



ESTD. MARCH 2008
JANUARY 2025

Hinna Vâk

AN ORGAN OF THE TANGPHAI PRESBYTERIAN CHURCH



KUMTHAK CHIBAI BUKNA

- Tangphai Synod Kal Zelna Tur
- Synod Kikhawmpi 3-veina Nunghîlna
- Sukgentheina Tamtak Thuak in Pathian Gam i Lut
Ding uh a hi.

To,

If undelivered please return to - TPC Office,
P.O. Box - 107
D. Phailian,
Churachandpur - 795128
Manipur, India

EDITORIAL | SERMON | KOCHUAM HUANG | REPORTS | SÛNNA ETC.

Editor : Rev. S. Lama Vaiphei, Executive Secretary

Joint Editors : Rev. P.B Zosapthara, Consultant
: Rev. K. Jama Vaiphei
: Rev. Th. Samuel Vaiphei
: Upa Lalminsang
: Upa S. Lalpi
: Pi Hawipakkim, Secretary, CKNP
: Tv. Lianmuanthang, Secretary, CKKP

Business Manager : Pu Langlalthamuan
TPC Office D. Phailian
P.O. Box 107 CCPur-795128 Manipur
Phone No. +91 9958160325
Email - ehinnavak@gmail.com

Kum khat lak man : Rs. 150.00

A man pia nuam leh a la thak nuam ten Business Manager kianga hiatsak ding.

A SUNGAH THU UMTE

- | | |
|---|----|
| 1. EDITORIAL | 01 |
| 2. KOCHUAM HUANG | 02 |
| 3. MODERATOR THUCHA | 04 |
| 4. TANGPHAI SYNOD KAL ZEL NA TUR | 06 |
| 5. SYNOD KIKHAWMPI 3-VEINA NUNGTHÎLNA | 10 |
| 6. SUKGENTHEINA TAMTAK THUAK IN PATHIAN GAM I LUT DING UH A HI 15 | |
| 7. SERMON | |
| a) Tudet zing ah galkai | 19 |
| b) Kua hi a hem Pathian nasêm | 23 |
| c) A gam leh a dikna chu hawl masa tau in | 25 |
| d) Thagau thiangtho - Damna tuntû | 27 |
| 8. SUNNA | 33 |

SYNOD PUIPATE

Moderator	:	Rev. Vanlalchhuanga
Secretaries	:	Rev. Andrew LR Khiangte (Sr.) Rev. Summinlian (Jr.)
Finance Officer	:	Upa Tinliankham
Statistician	:	Rev. Thianganlim
Executive Secretary	:	Rev. S. Lama Vaiphei
Consultant	:	Rev. P.B. Zosapthara

Hinna Vâk ah thu kisua zosia hi Editor ngaidan a hi suak puai



Pauchapna Thupi:

1. Kumthak 2025 ei puitungtu Pathian kiang in kipak thu gen hitiu. Kochuam tin te'n thagau lam maljawlna dawnna kum ah i neithehi chiatna ding un pauchap hitiu.
2. Hinna Vâk hi kum 17 tiang ting thei ah ei puitu Pathian kiang in kipakthu gen hitiu in, lamzang tak ah a chia zawm zel theina ding in a buaipute a ding in dawn hitiu.
3. Pastor Bial KKP Conference Taksa leh Thagau ah lawting tak ah mat a hi theina ding in pauchap hitiu.
4. Gamsung buaina ziaak ah panlatu pawl chuam chuam ah puitute a ding in pauchap hitiu.

KUMTHAK AH LUNGTHIM THAK

Hun buaium leh haksa tamtak kal ah kumthak leh hun thak eilângkaitu i Lalpau Jesu min in Kumthak 2025 chibai pha pen ka hung buk hi.

Kum a thak tawh kitawn in HinnaVâk Editor thak le nei ding i hi tau ah, zia ka editorial zik nunung pen ding a hia, kum nga sung ving veng HinnaVâk mangcha Pathian nasepna a hin hun ka la mang ah, la duthusamlo uh tamtak a um mai thei ah, ngaidam ka hung dawn ah; Editorial Board thak te nasa tak ah i kithuapi ua, i chanchinbu hin ma a hung sawn zel ding ka dawisak hi. Malâkna ding ah pawimaw diak te:

- 1) Kochuam tin in Kumtawp vaihawmna a hin Agent kitup tak guat in Office ah report zui ngal sek ding.
- 2) Agent tin ten eimau mawpuakna ngaikhaw in a sum leh pai sukfel leh a hawpzak lam inle pan la thak hi tiu.
- 3) Simtute zosian i ngai pawimaw lam article thawt thei a hi. Zia hi Editor in a lemchang hun hun ah a hung suadaw thei ding in. Editor in ziaak ding ah a chial te hi a lotheilo ah a chial a hi ziaak in midang te kiphatlamlo ding a hi.

Kumthak lawp leh mothak lawp hi a kibang ten mai ah, zia kumthak hin bang ei puakpiak ding a hem ti hiatlawk um keilo ah ginna ah i lawp sek uh a hi ziaak in pilvan a ngai ma ma hi. Pathian dawigual, a pha leh pom tâk chu i hiattheina ding ua hin kumthak i galkai tawh kitawn ua hin lungthim siamthak tawh i kawp uh a ngai hi.

I lungthim siamthak didan uh chu: khawvel hi banggual ah hung kihei zel ding a hem ti i hiatlo ziaak un, eimau chanpha chang zing ding inle kingai loin, Lalpa dawidan a hi poleh *“damsung ei dawn zosia te, Lalpa la sawl hi zing ta hen; lungngai ni leh kipak ni te, haksa banggual hungtung leh le, zia hi ka dawn la thu hi hen, Lalpa kei a din malzawl in”* ti ah lungawi tak in Pathian kiang in kilân thak hi tiu.



Kochuam Huang

Contract Basis ah sem ding Office Assistant pani (2) leh RMHS ah sem ding Teacher pani (2) lak di thu

Tangphai Presbyterian Church Provisional Synod Executive Committee 12:12 dt. 19/11/24 leh Service Board 7:3 dt. 30/11/24 chun Synod Office ah sem ding O/A pani leh RMHS ah Teacher (English& Hindi) ding pani lak pha a sa, Contract Basis ah lak dingte hi Tangphai Presbyterian Kochuam mi, Dân sung ah umlai, thimna lam ah titna neite'n ngaiyen thei a hi.

Hiat ding ah pawimawte:

1. Office Assistant dingte hi thiamna lam ah Class-XII (10+2) a hi diu hi'ntin, Computer mangthiam/khawithiam chu dawisak diak hi' nau.
2. RMHS ah sem ding Teacher te Educational Qualification ding chu:
 - a) English Teacher - English Graduate, B.Ed., D.El.Ed. zote dawichuam a hi.

- b) Hindi Teachet - Under Graduate
3. Kidawtna lekha hi a man bei in Office ah January 9, 2025 tiang in lak thei hi'na.
 4. Kidawtna lekha/Application form hi January 10, 2025 nitak dak 3:30 tiang in Office ah piaklut thei hi'na.
 5. Thuchian henuam te'n Office hun sung in kanchian thei intin, Ph. No. 9089623251 ah le kan thei hi'na.

Consultant leh Executive Secretary thak

Tangphai Presbyterian Kochuam Consultant leh Executive Secretary-te term a bei tak tawh kitawn in, Kum 2025-2027 sung paw ding Rev. C. Lalremruata leh Rev. Kamkhotinthang Neihisial te'n January 8, 2025 ni in Office luapan ngal inau.

Pastor Bial K.K.P Conference

Pastor Bial tin in Bial Khristian Khanglai Pawl Conference hi January 24-26, 2024 a hin mang ding i hui a, Taksa leh Thagau ah lawting tak ah i mat chiat thei uh dawisak a um

HINNA VÂK

hi, maban ah i Kochuam leh Khanglaite chia zel na ding ah gapha a hung sua daw thei ngei na ding in pan la chiat hitiu.

Bial thak hawn leh Pastor Induction thu

Synod Kikhawmpi 3-veina General 11 na Bial thak hawn a la phasak tak gual in Bial thak hi January 11, 2025 ah hawwna nei ding hi'na (OM 35:3 dt. 28/11/24)

Bial thak hawn di te- Bial Hawngtu

Gangpimual Rev. C. Lalremruata Sumtukphai Rev. Vanlalchhuanga Singngat Rev. K. Neihsial

Synod Kikhawmpi chun Kumthak, kum 2025 apat Pastor-te umna ding ziagual hin a siamlem hi.

Min	Umna di	Induction neitu ding	Induction ni
Rev. Lalpiaklian	Gangpimual	Rev. C. Lalremruata	12.1.2025
Rev. S. Khaikholam	Sumtukphai	Rev. Vanlalchhuanga	12.1.2025
Rev. C. Kailianson	Singngat	Rev. K. Neihsial	12.1.2025
Rev. S. Lama Vaiphei	D. Phailian	Rev. K. Jama Vaiphei	12.1.2025
Rev. Khaisonthang Vaiphei	S. Kawtlian	Rev. Thianginlim	12.1.2025
Rev. Th. Samuel Vaiphei	Panglian	Rev. Thanglianlal	12.1.2025
Rev. Genlemthang Suantak Kawlhen		Rev. Summinlian Vaiphei	12.1.2025
Rev. Lamgouliau Hatlei	D. Khawzim	Rev. S. Genlianpau	12.1.2025
Rev. Siamlalron	Sumtukphai	Rev. C. Lalremruata	May 2025

Pro. Pastor lak thak

P/P P. James	Mata	Rev. Andrew LR Kiangte	12.1.2025
--------------	------	------------------------	-----------

MODERATOR THUCHA

Rev. Vanlalchhuanga

Pathian lungsiatna zal in kum 2024 chu mangzo thei in i um a, Kum 2025 mel muthei in i umta, ei Puitu Pathian chu chawihawi in um ta hen. I gam in hun haksat leh huaisia tak i tuak a, himaleh haksatna leh beidawnna kal ah Lalpan ei umpi zing a, hun pha, hun thak ei musak a, kum 2025 ei lângkai tai. Kochuamte Kumthak chibai pha pen ka hun buk hi.

Pathian thu chun Bangkim â ding in hun guat a um a, vannuai khawvel ah thil zosia â ding in hunbi a um thu ei hil a. Pathian thilsiam zosia hin mani â ding hun guatchuam i nei chiat a, i hun guatchuam a tun hun in pakvul mai ding ihu. Pian hun a um gual in thi hun le a um ding ma a hi. I hiat zing ding ah pawimaw tak chu bangkim hi Pathian zia ah um leh Pathian â ding ah um a hi. Mi tamtak in ama â ding ah hun mang gual in a kingai sek ua, thil dang zosia chu ama dawidan tawh kituak ah tung ding in a kinem sek ui. Zia gual ah a kinepnau gual ah thil a tunglo hun in beidawnna leh lungnatna a tun sek hi.

Mihing hinkhua hin kipak ni a um a, lawtinna leh thil kipakum i tuak châng le hun tamtak a umsek hi. Ziagual ah hun kipakum i tuak hun in Pathian pak leh chawihawi le a nuam a, ei dawisaktu ding le a tam ngei hi. Himaleh zia gual dinmun a chun i um zing theipua, haksatna i tuak hun le a hung um zel hi. Beidawn leh haksat hun a Pathian kote

kiang a chun Pathian a kipuung in a kilâk a, Pathian a muchian sek ui. Beidawnna guam a i umlai in Lalpa chu i kiang in a kilâk ut diak sek hi. I hatlai hun, i phatlai hun, pha mama a i kihiat lai hunte a hin Pathian pawimaw tak tak hih a haksatna i hatna leh i theina haw a hung bei/siat hun in Lalpa chu i ko lo theilo sek hi. Mihing in Pathian tilo

HINNA VÂK

chu bel ding dang i neilo dan i hetchian a, Ama ah i kituklut po leh i kiang in a Pathian hina a hung kipuang a, Pathian lopina taklat in a umsek hi. Ziaphat chuleh Lalpan a dawisakte chu a dawmsang in a chawihawi sek hi.

Lalpa chu ging inla, Ama zia ah chân ngamten thagau lam ah lawkna a chang sek ui. No dimsa sung a tui a kisunglut be thei pua, a luanglet sek a himaleh no awng sung a tui a sunlut thei hi. Ziagual ma chun i lunggil Lalpa â ding ah i suk awng a hi chun Pathian thagau i sung ah a hung cheng sek hi. Chun, i hun leh i hinna hi Lalpa â ding ah i piak a, Ama zia ah i chân ngam tam po leh Lalpan a malsawmna ei pe tam ding a hi. A malsawmna i dawi vek ua ahinla a malsawmtu zawk hi hun i pe ngam seklo uh a hi. Hun neitu, hun guattu zawk â ding ah hun piak theilo hi a khawk takzet a, a khawk zia i hiatchian ua i kingaitua Chiang uh a pawimaw mama hi. Lalpa â ding ah hinkhua mang sekte chu Lalpan a chawihawi a, Pathian lopina a sulang sek ui.

Zia kumthak a hin hun banggual ah mat i tup em? Banggual in guanggalna i siam em? Kum 2025 ahin banggual in masawn i guau em? I guanggalna siam lak a hin Lalpan hun a chang ve diam? Tukum hi kum pha a hung hi ngei ding a dawi um takzet hi. Zia kumthak ah hun i mat lai a hin kumthak ei puitungtu Pathian hezing hitin, Lal Jesu Kraws kha ngaitua dawk zing hitiu. Thil zosia hi Ama zia ah um a hi zia in, nang leh kei hi Lalpa Pathian zia ah um ihu a, Ama â ding ah siam ihu. Mi pakhat, a hinkhua leh Pathian ah a kicham chun thil zosia le a hung kicham sek hi. Taimatak in nasem hitin, zillai ten le taimatak in zil hitin, i thil bawl zosia ahin theitawp i sua a pawimaw hi. Ziagual a hi hun a chun Pathian a hung lopi sek hi. Tukum a hin Pathian â ding in bang bawl i guau em? Lal Jesu a lopina ding in bangchan a hem i kalsuanpi ding? Hunpha i neilai hin Lalpa nai hitiu.

Lalpa'n hung malsawm chiat ta hen.

“TANGPHAI SYNOD KAL ZEL NA TUR”

~ Rev. P.B. Zosaphara
Consultant

Thuhma : Pathian zarah Tangphai Provisional chuan ke a pen ve zel a. Pathianin rem a tih chuan kum 2026 ah chuan Full Fledge Synod ni tura ngaih a lo ni ta. Hemi ni tur erawh chuan hmabak tihtur hrang hrang ala awm dawn a ni. PCI General Assembly lamin min vil reng dawn a ni.

Full Fledge Synod nih hi kan chak tur a ni em? Synod puitling nih chu kan chak tur a ni ang. Tunah chuan General Assembly hnuaia Committee hrang hranga kan telna ah pawh Observer ang kan la ni rih a. Kan teldan a la ler deuh a ni. Pro Pastor nemngheh pawh keimahni thu mai chuan ala remchang rih lo a ni. Synod puitling kan nih hunah erawh chuan keimahni in kan ti ve thei tawh dawn a ni.

Rawngbawlna kawng hrang hrangah pawh puitling kan nih hun ah chuan ke pen a remchang zel tawh dawn a ni.

1. Chaktaka ke pen tum loh tur a ni:

Tlanchakte chu an inchhuih palh fo thin. Synod puitling kan nih hun ah pawh; hmanhmawha bawh lam bawh phut phut loh tur a ni. Sikul din te, mahni puala Field neih te hi a chakawm a ni. Kan ngaihtuah reng tur chu Sikul hi din ila engzat nge sum lut ang, eng anga puitling turin nge kan duh ang. Din mai chu a sam a, tha taka enkawl enkawl tur chuan Sum tam tak a ngai a ni.

HINNA VÂK

Mahni pual in Field lo siam dawn ta ila, khawiah nge kan luh ang, eng hnam nge kan beih ang, nakin zel ah harsatna eng nge awm thei ang, hmathlir thui tak nei chung a ham kan lak a ngai ang. Zirchiang turte inruata an zir chain dan uluk taka enchunga hma kan lak chauh a fuh an.

Tin, mahnia Field neih aiin tuna kan Sister Synod te nen inherem in an lo thawh tawhna ah hian, anmahni tanpui pah in kan Synod in missionary tur la ila tir lut ve ta mai ila a tha zawk ang em?. Entirnan Tripura Synod nen inherem in kumin ah mi 2 thawktu kan rawn la anga, an thawhna hmun tur lo ngaihtuah ta che u, te kan ti anga, MOU tha tak sign in hma la ta ila Field hawn aiin kan thawk hlawk zawk thei ang em? A nih loh pawhin tuna thawktu chawmna kan thawhte hi inbiak remna kan neihpui Synod te hnenah thawktu

chawmna angin pe ve ta ila, a tha mai ang em?

Synod hminga kawng hrang hranga kan che dawn a nih chuan uluk takin, fimkhur takin hma kan lak zel hi kan Synod puitlin zelna ah hian a pawimawh dawn a ni.

2. Biak In sak:

Kum thum lek kan awm ve chhunga ka hmuh chu Biak In kan sak in a lawitur hisap lo a, midang Biakin mitthla a lang chungin kan rel thin in a lang. Hei hi Kohhran mite kan hah fona a ni. Office lamin tam tham in min pui thei lo a, min puihna ang kan hmanng zo a, kal chawl leh a, kan dil leh a, kan chhonzawm leh a, hetiang hi a tha lo a ni. Kan tlintawk anga sak hi intihmuh zel ila, a tha in ka hria. Inkhawmpui hisapin kan sa a, Inkhawmpuite chu kumtin pawh a lo ni lo a, Biak In lianpui ah tlemte kan inkhawm leh thin a ni. Kan phak tawk ngaihtuah thiam a tul hle.

Inkhawmpui kan
ngaihtuah tel a nih chuan
Pandal zarzawm remchang
takin Biakin hi rel ila, kan
zarzawm mai anga, a
awlsama ni. Hmun zawl ah
pawh a chhuat tur kan rem
sang vak te hian pandal
zarzawm a ti remlo zo
thin a. Biakin sak kawngah
pawh fimkhur takin kal zel
a tha ang.

3. Synod thuzawm:

Ke kan pen dawn chuah
a, Kan Presbytery, Bial leh
thil dang dang, awmna
bial siamrem te hi ala
ngai zel dawn a. Synod
Inkhawmpuiin ruahmanna
a siam tawh dodal zawnga
kan awm vaih chuan kan
Synod hian hma a sawn thei
dawn lo a ni. Synod thurel
awiha, zawm a, e.. Pathian
ruat a ni kan tihtheih zel
chuan kan Synod hian hma
a sawn ngei ang.

Presbyterian chuan
inkaihhruaina hrang
hrang kan nei a, heng
inkaihhruaina hrang hrang

kan neihte hi hriat kim
theih a tha hle. Synod
Inkhawmpuiin a rel tawh
chu han hmang phawt ila,
a lo remchang chiah lo a
nih pawhin a thiat theitu
chu Synod bawk a ni a. Kan
rel tawh chu kum 3 a tlin
hma chuan Synod agenda
ah kan pulut leh ngaih
tawh lova, kum 3 a tlin
tawh erawh chuan agenda
ngai pawh kha lo lut leh se
ngaihtuaha remtawh thin
a ni.

4. Sum chungchang:

Synod hi sum vawn
chungchangah kan fimkhur
em em reng a ngai. Synod
chu Budget neia kal kan nih
vanging, a rem rema hman
ngawt hi a theih ve loh a.
Kohhran sawhnghehna te,
a dang dang pawh dil theih
a nih vanga dil ngawt lo
in, keini chuan dil kan ngai
lovang midang kian ang te
hi tithei zel ila, a lawmawm
ngawt ang.

Synod hian Budget kan
khum thin a, a lawmawm

HINNA VÂK

thin kawp mai. Khum ta lo ila chuan kumtir lamah hian synod hian hna a thawk thei dawn lo a ni. Budget khum avang hian kum tir lamah hna a kal theih chauh zel a ni a, heng hi hrereng ila, a chuang ang ang hman liam kan tum chuan hma kan sawn thei dawn lo a ni.

Thawktu lak pawh hna in a mamawh hle a, kan indaihloh viau te a nih loh chuan thawktu lakbelh ah kan insum zel a tha ang. India ramin a buaipui lian tak chu pension hlawh hi a ni. Kan mother Synod pawh in a buaipui lian tak pakhat alo ni ta. Heng laka kan buai ve lohna tur hian ngaihtuahna kan sen zel a ngai dawn a ni.

Pathianin min hruai anga, Synod puitling kan nih hunah chuan Lapa ram zauh zelna tur in theih tawp kan chhuah zel ang a, a duh zawng rawngbawltu Synod chuan hma a sawn zel ang. A chhunga chengte kan inhmangaihtawn reng a tul ang, Kohhran chuan chakloh lai te a nei thin, chaklo zawkte puih duhna rilru kan put zel pawh a ngai dawn a ni. Synod in hma a sawn zel a, ke a pen zel theihna turah chuan nang leh kei hi Pathian hman theiha kan awm zel a tul dawn ani.

(Hun a kibichil tâk ziaik in kilet dawtklo a Mizo pau ah hung kisua mai a hi)

Khrista ah um i hi chun hun chiasate chu hiatmil a khawp pua, hun hung tung ding - mabân ding ngaitua ah buai a ngâi pua, tulai tak hun â ding ahin taimat a kisua thei sek hi.

Alexander MacLaren

“SYNOD KIKHAWMPI 3-VEINA NUNGTHÎLNA”

~ Rev. Luttinlel
T. Haimual

Tangphai Provisional Synod Kikhawmpi 3-vei i mang tau ah, nungthîlna hi a masakpen na ahia; nungthîl dan chuam chuam a um thei hi.

Guat ah ka umna’pat, thei dan dan in Kikhawmpi masawnna ding in a chawmkim lam pen vak nungthîl hitiu.

Kikhawmpi i mat sa te’u neukhat vak nungthîl masai ti’u.

A mun	Kum	Thupi	Moderator	Palai	Sumsen zat	Synod Budget	Kochuam mi zat	Gen. Agenda
Jubilee Kochuam	2022	Pitin lam zuan hitiu (Heb. 6:1)	Rev. Ngurthanmawia Sailo	289	4,58,980	2023-24 6,50,90,000	19,294	17
Hill-Town Kochuam	2023	Titakzet ah Lalpa nasep (Joshua 24:14)	Rev. K. Neihisial	90	3,50,000	2024-25 6,51,96,000	Kisimna um theilo	10
S. Munnuam Kochuam	2024	Kipum- khatna (Johan 17:22)	Rev. Vanlalchhuanga	311	7,00,000 (approx.)	2025-26 8,15,00,000	20,033	09

Zintuntute: S. Munnuam Bial hi Bial thak himaleh, muthei in ma a sawn ua, Pastor leh Pro. Pastor um na Bial a hi ziak le hintin, Kikhawmpi na dingah a kisak lawkna’u hi ettawn tâk tak ahiu. Bial sung Kochuam mi khenkhat pêmthak a tam ah,

HINNA VÂK

ahinla, a hung um thak te'n le ki malzin saklo hial in Synod Kikhawmpi na dingah sum leh pai, tha leh zung tampi seng in na a sem ui ti muthei in a um a, zia zal ah chun kikhawmpi chu matzaw in a um thei hi.

Usher-te:

Bial sung ah Kochuam tin apat a diak ah KKP member-te kipiakna leh Bial puitute felna zal in thazo tak in BiakIn sung leh pua ah mipite a kaihuai ua, Khawmpi zintun tâk him ahiu ti a kilang hi.

Vaihawmna lam:

Synod Committee chuam chuam-te November 19 apat vaihawmna nei pat a hi. Vaihawm Nikhat ni ah khan Agenda tamtak chu Palai te'n gen tamlo ah lemsak a hi. Vaihawm a Ni 2 na ah chun Agenda lak ah gensawt ngai deu 2/3 a um ah, khenkhat chu dakkal kimkhat phial genkhawm le a um hi. Himaleh, Moderator leh Secretary-te fel zia le hintin, nitak lam 2:30 in vaihawmna suktawp thei in a um hi.

Mipi Lasak khawmna:

Kikhawmpi sungah hin mipi'n La 53 a ki sa khawm hi. La khenkhat hi Dak masa git masang ah sak a hi. La sakkhawmna chu mipi a kichia khawm vak zia le hintin, Lasak a nuam in, La puitu'te le pakchat a um khawpmai ui. A tangpi'n Synod Kikhawmpi hi chu Khristmas a nai tâk zia in, Khristmas La sak deu tangpi ahia, BiakIn sung himaleh lenkhawm La deu ngen ahi zia in la sakkhawm chu a nuam deu tei sek hi.

Lâmtual ah lâm:

Lâmtual mun a neu tawh Soundbox in mun a lua deu zia le hintin, mi tamtak lâm theina ding mun a umlo tawh lâmtual ah mu ding mi a tam bek puai. A tângpi in Lâmtual ah lâm hi Pawsal 5-6 leh Numei 10-15 vel ding in a hisâp thei hi.

A lâm tam leh tawm hi Kochuam masawmna te'na dik pen hilo maleh a hun leh a mun zil in a um sek a hi. Synod Kikhawmpi hi

Vaihawm Khawmpi ahi deu ziaak in Lâm hin huntam a lua zolo deu sek a hi. Lâm thei mite'n kikhawpna boruak hi a sunuam sek uh a hi. Mipi lak ah Lâm khello maleh lungthim ah lim mama Kochuam mi tamtak te hi pachatlo ding a hi diak pua'u.

Lapawl:

Lapawl member Pawsal 137 leh Numei 134 - a kigawm ah 271 te'n Lapawl 18 vei a sa'u hi.

Pastor Bial 11 leh Synod Choir in hun 6 vei ah La 7 sa in pachat um tak in Kikhawmpi hun ah Biakna sulimtu in a pang ua, a kipiakzawna'u pachatlo thei ahi pua, Synod masawanna pakhat le a hi.

A mun in a dailo ziaak le hintin, Maichâm lia lo dingah din ut male'u tuchung chu a lia tei uh a ngai ta a hi.

Khawpi sung Bial te sang in mun gamla deu te pachat a um un, a kisingsakna'u hawi dan hiatthei in a um hi. A dinmun uh ngaitua kawm ah i ngaithâk ahi chun, huntawp

zan ah Kangvai Pastor Bial Lapawl te'n "Lungawina kim" ti la asak uh khan mitthi a pawt hial a hi. Lapawl te hi Kochuam masawanna te'na khat le a hi. Thu kigen te i vak nungthîl a hi chun, Sermon outline nei a pawimaw dan a kilang hi.

Thugentute:

Thugentu pali ah kipat thu ngaithâk ahia, a gen chawm pen in 36 minutes leh a gen sawt pen in 47 minutes sung a gen ah; Thugen sung zosia chu minute 163 vel a lut hi. A tângpi et in Thugentu'te hin Synod Kikhawmpi ah hun chang kit talo ding hileu kilawm in kipak tak leh hawmthaw tak in thu a gen chiat u'i. Khenkhat in, a Thupi'u le genchian manlo khawp in, ama'u phurna lam ah ngaitha tu'te puilut guatna lam a ha gen un a kilang hi. Kumkhat sung kiginglawk ahiu ah, a kisingsakna'u gen zo manlo maleu Kochuam'te a dawisakna'u et in pachatlo ding gual a hi puau hi.

HINNA VÂK

Ziagual hin hizaw leh:

Tu'nung ah i kisiampnat thei na'u ahi ding kinem in, zia a nuai ah te hi vak nunghâl hitiu -

1) PALAI LAWP ahin Moderator te'n kum cheng leh a mau pha ti dan dan ah a hun bawl ua leh khatvei sang ah tamzaw din a ngai hun le a um sek ah, Office lam in Guideline hun siam thei mai leh.

2) Tuchung Kikhawmpi na ahin van khelman tapi sên ahia, a lo theilo tilo hichu Kochuam sum hi kilen tak ah mat hileh.

3) Gam changkângte bawl dan zui guat hâmhâm ahin ei thingtângpa hi a ki thiam zo nai deu pua, eima dinmun tawh kituak ah bawl hisek zaw leh.

Dining Table det beklo ah An-nêk sang in, Thing pêk detdo deu chungah An-nêk hi zaw leh.

4) BiakIn Banner Frame siam sa a kimat zia le hintin,

Kikhawmpi hial ding ah chun a niam deu ah, lekha mal kizik khenkhat sim theilo ding khawp in a neu hi. Banner ah thu zik hi gamla deu ah le sim thei hihenla, style talua lo ah zik hi lem pen ah hiat a hi.

5) 'Presbyterian' leh 'Presbytery' matna ding he khen theilo palai khenkhat i um nalai ua, kizil ten chu a ngai nalai hi. Synod chula i maban ua um ahi tangâl ah.

6) Thawlawm lakhawm kua pen te ahiu em ti hiattheilo khawp ah BiakIn Varanda' USHERS fel taktak a la um ua, a kipak um ban ah kisanla um hial a bang ah; Thawlawm dawl te hiat khen thei hileh.

7) Vaihawmna ahin a gen ding chuam kiguat lo maleh, Pastor/Minister/ Semtu te chungchang a chun Kochuam Upa te hi hun ki awt deu henla, Upa'te chung thu ahin phat leh Semtu te'n gen hi

sek leh Full-fledged Synod a dingah titna chikhat le hung hiding a hi.

zik ah, sukdik ding umlo phial ah ahun simdaw kha pakchat umtak a hi.

8) Mani Presbytery thu lut te chu Agenda gen dingah kiguat tu'n a gen leh huntawk ah ngai ahia, Palai dang (Presbytery dang) te gen dia kawi dan i hung thiam phat uh leh vaihawmna le hung lamzang ta'na.

3) Fraternal Delegates te'n hun a mang thiam ua, Tangphai Provisional Synod a di'n ettawn tâk ahui.

4) An-nek hun leh thingpi dawn hun ah sawttak ngak umlo in zintuntu'te thil guanggal dan hi a ettawn tak un, pachat a um ma ma'u hi.

9) 2nd Bell khet dan diklo pum ah Kikhawmpi mang zo chu a ki hita, a dik ah khet ding dan Kochuam tin in ki ngaikhaw thei leh.

5) Pathianni nitak ah Minute Bu hawmdaw in a umthei ah, bawl zel dingah zawngsak chi a hi. Chuleh, Office lam te le nitum/zan sawt taktak na a sem ua, a kipiak zaw na'u ettawn kham a ting hi.

Ettawn dingah pha khenkhatte:

1) Moderator in panmun chang ding te, Programme a bul apat a tawp chan a ding guatsa a nei ah, Vaihawm/Biakna ah Pauchap ding te leh Thawlawm lân ding te a masang in a genlawk ah, a kitup khawp mai.

Tangphai Presbyterian Church Provisional Synod, tu sang ah hawi zaw leh masawn thei zel ding in Lalpa'n ma ei pui zel ta hen.

2) Synod Secretary (Jr.) in Vaiphei pau ah minute a

“PATHIAN GAM LEH SUKGENTHEINA TAMTAK THUAK IN, PATHIAN GAM I LUT DING UH A HI”

*~ Rev. S. Mangminthang
i/c Pillangkata Presbyterian Church*

Thumapui: Zia Bible chang hi Paul in gingu masa Lustra, Ikonion leh Antiokei khua umte kiang a ginna ua a dindetna ding uh leh a ginnau tudet zing ding a tilkhona leh thamuanna thu cha a hi. Ama Paul bep le hilo in khawvel ah Khristian a hung kiphu lim a kipat gingtuten haksatna leh sukgentheina tamtak a la tuak tau a. Stephen le suang ah selup in a um in, Paul ngeile Khristiante sugenthei tute lak in a la pang a hi. Jesu zuitu a hi nung in vang Jesu Khrista zal in sukgentheina thuaktu in a pang zaw ta a hi. Pathian thugen ah a zindaw masakna pen inle gentheina tam tak a tuak ngal in, Damaska khua ah-te, Ikonion khua le Lustra khua a ten tha ding a gikna leh khawsung ah kipat nawdaw nate, thi vang vang a suang a senate a la tuak a hi.

Zia hunlai in Khristian khen khat ten sukgentheina leh musitna a tuak zing ngal un. Amau a ding in a lau um in, thamuan zing le a ngai uh a hi. A ngaituanau leh ginnau sukdet na ding in Paul in fuina thu a gen piak a hi. Paul thugen apat in Pathian gam

leh thawkna/sukgentheina chungchang thu a hin zia gual in zildaw ding i nei uh a hi.

1. Pathian gam hi gentheina tawh phu a hi:

Pathian gam leh gentheina hi khen kak theilo khawp a kitimat zing a hi thu i hetau

hi. I Lalpa Jesu Khrista khale zia lei ah Pathian gam din ding a hun sawl a hi. La phuak tu David Charles inle Pathian gam tundin hi Pa Pathian thil tup a hi dan thu La in a la sa a hi. Himaleh i Lalpa Jesu hinkhua hi vak thil ta lehin, a bul apat a tawp tiang in gentheina ngawn in a dim a hi. Pathian Chapa hilehle, kingaitawm tak in mihing gual in a hung piang a hi. A tawp ah lungngaina tawp khawk tuak in thing kraws hansedawl chung in khetden in a um ta hi. Himaleh, i Lalpa Jesu chu thina kipat thokit in Pa Pathian changlam ah chawihawi in a um ta a hi. Zia khawvel a hin gim gentheina leh thina mang in Pathian gam chu a tung ding ta a hi. Pathian gam, khawvel lenggam gual chu hilo in, lungthim a Pathian hetna, Pathian lalna leh a thilhitheina hung tung zawk chu a hi. Zia gual a Pathian gam chu gim

gentheina leh lungngaina nasa tak pum a tundin ahi zia in zia mun a lut ding chun gentheina nasatak leh sukgentheina pal galkai a ngai hi. I Lalpa Jesu chun Ama zui a Pathian gam lut dingte chun a insung mite leh a lainat mama suapite a nutsiat a ngai thu leh mani ngeile kihemil a nisin a kraws puak a ngai thu ei kawkmua hi. Gentheina panglo chun Pathian gam lut hitheilo a hi. Paul in, “Haksatna tam tak thuak in Pathian gam i lut ding uh a hi” tia a gen hi a dik mama a hi. Tutiang inle khawvel mun chuam chuam in Pathian gam chu tundaw thak zel ahin, sukgentheina le a tung sek a hi. Pathian gam dintu, Pathian nasem tute, leh gingthak tamtak ten sukgentheina te, thinate a thuak zing un, himaleh a nungtawl diaklo uh a hi. Haksatna panglo in Pathian gam dindaw thei a hi puan, haksatna

HINNA VÂK

tuak lochun Pathian gam nasepna le septhei tak tak hilo a hi.

2. Pathian gam hi haksatna pum a keklet zel a hi:

Zia khawvel a Christian Kochuam tundin a hi a kipat in sukgentheina leh haksatna zat chuam chuam ten a zui ngal hi ti ihe chiat ua. Gingtute la a tawm ngal ua, a ginnateu taisan mai ding uh le lau um tak a hi. Sawlchakte le Chanchinpha gen talo ding in vaunate tuak in, jail a te khum ah um in haksa tak in a khawsa zing ua, himaleh gingtu thak a kibelp zel tho a hi. Stephen le suang in a seplum ua, Jerusalem ah kochuam ten sukgentheina nasa tak a tuak uh a hi. Paul ngeile Khristian-te sukgentheina thu a pan nasa tak latu khat ahia, inn tin ah lut in Khritian sugentheitu leh jail na tiang ah khumtun a pang a hi.

Himaleh zia haw zosia chu Pathian gam kekletna ding a hi zaw ta mai a hi. Mi tamtak in Jesu a ging ua, Pathian gam le nasa tak ah keklet in a um to zel a hi. Zia bep chule hilo in, Heroda lopi tupa Herod Agrippa 1 chun kochuam mite a sugenthei in, Johan unaupa Jacob ngeile chem zam a that in, Peter ngeile man in jail ah a khumbit chak kei a hi. Himaleh Pathian thu chu a kizak zel in, Pathian thu hi keklet in a um zel tho a hi.

3. Gentheina hin gentheina umtaklona Vangam ei thîlsak zel:

Bible ahin Jesu Khrista gingtute hina leh dinmun ding tamtak i mu ua, ziate chu Pathian cha, Pathian golute, Kumtuang hinna neitu, mithiangtho, vankhua leh tui tite a hi. Jesu Khrista hukdamna thu i hiat ua, i gin ua kipat thagau thiangotho nasepna zal ah mutheilo in, i lunggil

sung ua hin Pathian gam chutundin in aum a hi. Jesu Khrista lalna leh thuneina chu pawm in a vaihawmna nuai in i um ua, Thagau Thiangtho mawlsawmna leh pawlnate chang in, i lim in i kipak ma ma uh a hi.

Amavang, zia khawvel i khualzinna gam ua hin lim tak leh kipak in i um thei zing lo uh a hi. Thepna leh sualna zat chuam chuam ten

ei tuam vel un, lungngai leh beidawng in i um zel uh a hi. Zia mai chule hilo in natnate, thinate, hatlonate leh nguina chuam chuam i chung un a hung tung a, i mang bang ua, i kap zel a hi. I chennau India gam inle Khristian-te a ding in sukgentheina/gawtnate a chang leh a hung tung sek a hi. Zia gual hun haksa leh buai umna nasa tak kal a i khawsak phat leh gingtute chu natna leh lunngaina umtak lona gam i thîl sek uh a hi.

AGENT-TE KIANG AH HIATSAKNA

Hinna Vâk Agent subscription fee chungchang chu Editorial Board Meeting 6:IV na chun, **Kochuam sung ah Hinna Vâk latu hi Kochuam sung ah Inkuan um zosia zat kimkhat a hi chun a thawn ah Agent in dawng thei ding** ti a hi zia in, Kochuam mi a tamtheipen te'n i Magazine hawmthaw um tak hi a hung lak sau sau theina ding ua ma hung la chiat ding in kineppi la hui.

Chuleh, Agent te'n Hinna Vâk late min leh a fee piak dan uh a ziklut na ding uh mamawte'n Office ah lak thei hi'na.

~ *Business Manager*

“TUDET ZING AH GALKAI”

(Hebrew.10:23; Job.27:6)

~ Rev. Th. Samuel Vaiphei
i/c Jiribam Pastor Bial

Thumapui: Kumhei hun ahin khawvel ah muntin in mi zosia’n a lawp ua, limna leh kipakna hun in a mang sek uh a hi. Kumlui chu liam nawm nawm henla kumthak galkai nawm leh ti in a ngakla mama ui. Hunthak, thilthak, patthak, piangthak a hiloleh a thak him himte hi mihiam in i lunggul a, i dawi a, i lungawina pen a hi tile hin genkhiallo maithei i hiu. Zia hin i ngaituanau a lua a, i hinkhua a puihuai sek hi. Zia hun ahin lem lâk thakna hun a mang a, bang a hem khat bek ah thaksa leh thagau uh siamphat na ding ah thupukna pha lam et nei a pawimaw hi. Kumthak a hin hinkhua thak, kinepna thak leh hun lemchang lak thakna hun in i mang thiam na diam uh? ti ngaitua a ngai hi. Hunbi zosia hi Pathian jangaina zia a pat thuthung thak i chanu a hi. Pathian thilsiamte i et chun, a ginumna a lopi zia a taklang a, zia a thil siam leh guanggal thakte a pat in a hepina lutzia ei hiatsak hi. Zia hin, ki siamthak kit, pat thak kit thei a hi ti ei kawkmua a hi.

Hanse dawng, pûk ta khawvel hita maleh Lal Jesu Khrista jal in siam danglam ah um in hinna thak i chang thei tau hi (I Peter 1:3) ti a thuhing in ei gen a hi. Khawvel hi buaina tualgal in

mun tamtak a chup zing lai in, i chung ua tung ding ah le i gêl phâklo, i khawvel uh chu a buai ta. Lungzing a um khawpmai. Bang law tadi i hiu emle? Jesu Khrista chun, **“Ginglo khawvel ahin hin**

gim genthei thuak in lau, Himaleh, thamuang tak in um un; keima'n khawvel ka zo tai" (Jn. 16: 23) a la tia. Khawvel haksatna i tuak di him uh a hi, a hin gingtute chu kiling lo hial in i kinepnau thugin hi tudet zing in (Heb.10:23) a pha chu tudet tau in (I Thes.5:21) ti Pathian thu'n ei gen a hi.

I tukdet zing ding uh hi Pathian apat malsawmna tamtak i chante'u a genna a hia, ziate chu hemil leh lînglo hial a vawp det zing ah hinkhua mat ding tina hi. Tudet tihi sappau ah 'hold fast'; ei pau ah bek, kân, mat, chak tite genna a hia. Bible in a matdan a hileh thiak/ heikawi zawlo; lawlîng guallo; sawt butlo; kuama dang âng ah kûnlo genna'n a mang hi. 1 Jn. 1:1 na 'Hinna thu' tihi Lal Jesu Khrista leh a thu hingte genna a hia, zia thute chu gingu'n hing zing Khrista nun chu tudet a kimvelte kiang ah, a taklang zing ding ti a hi.

Kochuam Pate lak ah pang Polycrap chanchin chawmlo

cha vak taklang leu hin. Polycrap hi Apostle John nungzui in a la pang a, Pathian he, lalgam nasem ginumtak, leh puitu ettawntak mi a hi. A upat nung kêi in mat in a um ah, Romans proconsul (Judge) pa chun a kiang in, "Kaiser chibai la buk a, a min ah laki tiam a, Khrista la sapsiat chun, hung tha dawkingka" a tia . A hin, Polycrap chun a ginna chu dettak in a dinpi a, zia gual hin a dawnhu ta, "Kum sawm giat leh guk (86) Lal Jesu Khrista nung kala zui ta hen, tutiang in khatvei cha le ka chung in diklo in bangma a bawl puai. Bang tin em gitlona apat ei hukdawk pa chu kilepsan a ka gensiat thei di?" Proconsul (judge) pa chun, "Sa hâng hingsa nete lak in hung seplut mai ding ka hi" a tia. "Hung seplut in, ka lungthim hei ngai ngailo ding ka hi" ti in Polycrap a gen a. "Sahangte la kichaklo le, mei kuang ah hung hal ding ka hi" Proconsul pa chun a ti kit a. "Mei ah maw lei suklau guat, dakkal khat khêl kâng lo ding

HINNA VÂK

mei a hi, la hiatlo kumtuang vaihawmna mei ginglotute a ding ah a kawi lawk um a hi ti hia'n. Bang a hem la ngak? Sahang chu hung pui un, mei chu hun chawi in, khawi zawk chu hile, Lal Jesu Khrista ka Lal leh Hukdampa chu phatsan ngai ngai puangka," Zia gual a chun Polycrap chun a dawnhu ta. Hun chawmkhat zaw in Polycrap chu mei ah hâl lup in a um ta a hi. Zia hi a hi, hinna chên ngam ah ginna tudet hinkhua i ettawn diu chu. Polycrap in a dettak ah a tûk chu tamtak a ding in haksatna leh buaina ahi sek a, ahin ama a ding ah chun Mualsuana, zawna, limna leh kipakna a hi. "I Kinepnau thugin (ginna) tudet zing hitiu..." (Hebrai 10:23).

Hebrai lekthawt hi Juda gingtute kiang ah a ginnau zia ah thuak ham ham a, hinlui leh sakhua lui ah nungle kîtlo na ding thilkhona thu a hia, zia hi nang leh kei a ding a hi zing a hi. A hileh, i Kinapnau thugin chu bang

a hem? Dawtna pawimaw tak mai a hi. Zia dawnhuna la piak dungzui in, bang chan in ka dinpi em? ti hung kilang intin, I Khristian hinkhua humbitna ding ah pan i lak dante leh i thawk gimpi dante hung kichian ina. Gingtu minpua Khristian hinkhua mattum mai khak ding kiven a pawimaw khawpmai hi. Juda Iscariot in ama lemguat in Jesu a zui a, a zui khial hi; Ananiah leh Saphira nupa'n inle Pathian apat malsawmna a chan uh ipguk nei in thilpiak in Pathian a va biak gua'a, a lawsam uh a hi. Jesu'n, "Keima hi lampi leh thutak leh hina ka hi, Keima ah chia lo chu kuama Pa kiang a tung ngai puau hi." (Johan 14:6) a ti hi. Jesu Khrista nungzui diktak hina ding leh biakna diktak piak thei na ding chun ginna tudet zing mi hi a ngai hi.

Job chun, "Ka dikna tudet ingka tin, thasuak ngai ngai puangka; ka damsung sia'n ka lungthim in, ki awimawna nei puangka." (Job.27:6) ti in a gen hi.

Job hinkhua ah lungzingna leh beidawanna ziagual khawp ah buaina'n a tuam kimvel lai inle Pathian muang in a tuchak zing hi. Khawvêl thaksa hin vâng Pathian muang ngam zing hi chu haksa a sa khawpmai hi. Israel te'n le Pathian bello in nung a heisan ziakun a chung uh gik a, haksatna le tamtak a tuak khawlaw jêl sek uh a hi. Ahin, Khrista chun a ma nungzuitute kiang ah, a ginumnate, a thawkhatnate, a thianhthonate (taksa/lungthim), a thu awinate, a kingaitawmnate, a huangphalnate, a kipiakzawnate, a hangsannate, a zaidawnate, lungsiatnate, a lungawina chang leh kipakna chang hêtnate, ziagual nunphatnate ah chun kivan a, hinpi ding in thu ei pia a hi. Zia haw chu ngaiven ah tudet ding in chial zaw a hi.

Pathian in ei phutna hi a pha'n a lopi a hi. Lalpa muang

ah a ginna thatham ngailo mi bep te'n gualzawna a chang sek ui ti hi bible ah gingtu tudette hinkhua apat in ei zilti a hi. Abraham in a chapa a lân ngam a; David in Goliath a that a; Peter tui chung ah a chia; Paul lawng (tuifawn) chung ah a suakcha a hi. Zia haw zosia chung ah chun, Lalpa'n a chapa neisun kraws chung ah nang leh kei a ding in khetden di'n ei pia a hi.

Ziaziakchun, Paul in Rom mite kiang ah a gen gual khan, **“Hepina (ginna) chu dawha panglo (ginna tak/dik/kim) hi hen la. Thil phallo chu huau unla, tudet tau in”** (Rom 12:9). Tu kum ahin, kochuamte'n lunggel thak a Khrista ah ginna det nei a, dinpi a, hinpi a, taklang a, Khristian hinkhua dawium leh ettawn tak hi ding in kumtung tawn in Lalpa'n a zangaina'n lama'u pui in hun malsawn ta hen. Amen

“KUA HI AHEM PATHIAN NASÊM?”

~ *Upa Liankhotang*
T. Munjang

Tuni kipat kum sawmli masanglam chanchin a hi. Ka hiat thiamlo, ka lungkhampente lak ah pakhat chu ‘Pathian Nasem’ ti hi a hi. Kei leh kei ka kidawng ah, “Pathian nasep chu bang hi a hem? Pathian nasêm chu le kuate cheng hi a hiu em?

Kochuam Upate, Pastorte leh Evangelist te, Bible zil, thugen thiamte leh Pathian gam a ding ah sum tam tak tuak sekte hih a hiu em leh? Ching leh thiam ah, neizo deute bep Pathian na sem hitaleu, bangmalo kei hin chu septhei di neilo ka hi mai hi ti’n Pathian na sep di thu hih ngaitua in ka neita puai. Bangma ngaitualo ah um ziang chu le lah a phapen hi diak puan tin ka ti kit ah, lungmuang theilo in lunggel ka pan kittai. Hitia ka kingaitua tua lâi ah hin ka lungthim in John Milton simla (Poem) minthang, ‘Paradise Lost’ châng khat ka lungthim in a hung kilang hi. Milton hih 1608 kum ah London ah piang a hi.

A neulai ah ama lekha hiltu (Tutor) chu Thomas young Presbyterian Kochuam ah migun tak a hi. Thomas young hin Milton lungthim in a mang theilo di thuhing a lah tûlût piak hi. Paradise Lost simla ah hin Milton in Lucifer paithâk ah a umdan leh, mihiante zuau thu ah thepthâk ah i umdanu hih thupi in a mang hi.

John Milton kum sawmli leh li a hi in a ji ngai tak in a thisan ah, ama le a mit a hung thûmtai. A mit in khua mutheitalo a hi ziak in Pathian in lekhazik thiamna, la phuak thiamna a piak kha a mangcha theita puai. Milton a lungngâitai.

“Pathian in lâ phuak ah Ama lopizia puangjak ding in thiamna ei lah pia, ken lah tuhin bangma ka zik theita pua; khatvei têi chu “Bang zia ah thiamna ka piak hih mangchalo la hi em?” t’n ei dawng in tin, ken bang ka gên tadium, tia ka kingaisiat lai in ka lungthim in thu a hung ki gen ah:

“Pathian chu lêng lopi tak gual a hi. Ama’n simsên guallo ah tam nasemmi anei hi. Zia mite lak ah, a khenkhat chun Inmun in na a sêmu’i. A khenkhat dangte chun mual leh tang kê in gamnuai in na a vasemu’i; a dang khenkhatte chun tuipi gâl kê in gâl a dou’i. Zia simsênlo nasemte lak ah hin kuama’n nasêm ah a simlo leh a hiat phâklo nasemtu le a um hi. Zia chu kuama dang a hi puai. Sûn leh jan kidanglo ah kawtkhâk bul ah ding, a pu thupiak ngâk ah, a nakhang daw ah ngaichângzing KAWTKHAK NGÂKPA a hi. Zia kawtkhâk ngâkpa nasep hi tawh mual leh tang kal ah na sêmte leh

tuipi gâl ah, thi leh hin kikâl ah gâl dote nasep hih a thupizaw leh a tâwmzaw a um chuam puai. A lûldân kibang a hi” a hun ti’. Zia thu hin ka lungthim puakgik zosia ei paithâk piak ah, ka kipakta ma mai. Khua ka mu theilo zia ah Pathian chawihawina lâ phuak in, zik thei talo maleng ka lungthim ah Ama (Pathian) pânka lâ zik nuam ma ma hinapi, zik theilo ah ka um hih ei ngaidam in tin thiammaw ei chanta puana t’n ka thâ a muangtai.

I gên nawppen chu ginna leh gin-umna hih a hi. Zia Milton thudawn hih ka ngaitua in Pathian nasep thupipen chu ginna leh gin-umna hih a hi. Kawtkhâk ngâkpa umchan hin kei buaina le ei suhveng ah ka kipak ma matai. Kei gual ah mâwl leh hâtlo, teksia, jawngkhal, bangma neilo leh taksa pian ah kisawng theilote zosia a ding in le thu kipak um a hi. Pathian chu ging in gin-um phawt le hin eiu, hatlo leh niamnung te hin le nâ lopi tak sêm in i pau Pathian chu lopina pe theizing hitiu.

“A GAM LEH A DIKNA CHU HAWL MASA TAU IN”

(Matthai 6:33)

*~ Upa S. Lalpi
Jubilee Kochuam*

Amasa’n gam buaina kal ah khawsa himaleu hin kum 2025 ei lângkaitu Pathian chu lopina chang ta hen.

Kumthak a hina tawh kitawn in a gam leh a dikna chu hawl masa tau in ti thupi mang in zia article hi kahun zik hi.

1. A gam leh a dikna chu hiatchian a pawimaw hi:

Malai Jentel ten le a la hiatchianlo ziaak un lungkham ding a la hau ma ma hinau. Lal Jesu’n tekhinna chuam chuam mang in lungkhamlo ding in a la hil a hi. Bang ka ne diam, bang ka dawn diam ti in lungkham kiu in, zia zosia chu la tasam ui ti la Pau van ah mi chun a he ma ma hi. Ziakiachun a gam leh a dikna chu hawl masau in a la ti a hi. A gam leh a dikna chu Pathian a ding ah hun mat leh ama dawidan hawl ah a ma lam ngaisak ah a ma muan ngam hi a hi ti hiat a pawimaw

hi. Maleh tulai gingu tamtak hin a gam leh a dikna hawl masak sang in a nunungzaw ding i hawl masa zaw tau ah, a gam leh dikna i hiatchianlo ziaak uh hi’n a kilang hi.

2. A gam leh dikna mu na ding in hun piak a ngai hi:

Tulai gingu tamtak hin Pathian a ding ah hun piak hi haksa i sa mama tau in a kilang ah, a ziaak chu tamtak hi pauchap man talo, kikhawm man talo, kikhawmpi pang man talo hi i tam ma ma tau ah, bang ziaak ah zia gual a hi gingu ki um thei a diam i tileh Lalpa a ding a bangma i chân ngamlo

ziak uh a hi. Sawlchak Paul in kei a ding ah lawkna taphawt chu Khrista zia in channa'n ka guat ta a hi a ti a hi. Ei ma lam kai ah chên umlo in Khrista ah lawkna um theilo a hi. Khrista a ding ah chên ngam a ngai ah pauchap hun, kikhawp hun, Kikhawmpi hun zia sung ah i sep i bawl dingte kha i chên ngam a ngai hi. Zia na ding ah chun Lalpa a ding ah hun piak a ngai hi. Zia i gen tak uh Pauchap hun, kikhawp hun, Kikhawmpi hun leh hun dang Kochuam Programme ah i pan manlo hi ei mau lawkna ding ngaitua na a hi sek hi. Ziaziak chun gingtute i kingaitua thak uh a ngai hi.

3. I pawimawte Lalpa'n a hiai:

Mihing chu pawimaw neilo kuama i um pua, i pawimawte ngaituana'n i buai thei ma ma sek ua, sum leh pai nek leh dawn sil leh chên a ding ngawn in tamtakte hi i buaisek uh a hi. Tamtakte chu nek hawl dan kibanglo i hi, khenkhat khut nasep ah kilawte, dawr ngakte, Bazar ah kichute i hui

ah, bang a tia kikhawmlo min ei ti tak ua leh ka buai talua kikhawm manlo ka hi tite dawr ka khak hak ah tite, nasem ka hai hak ah tite hi i paulap nuam deu sek ua, zia hun tak hileh a gam leh dikna hawl masa thei leu hin pha mama sek ding a hi. Zia chu a hilo zia in a nunung ding i masat kha sek uh a hi. Unaute haw ka buaita lua ti ah kikhawm manlo hial ah um hi insung navakna a hipua, Pathian a ding ah buaite insung a navak sek hi.

Khaikhawmna: Unaute haw a gam leh a dikna hawl masa ah mu masa i hi theina ding un i hun teu hi Lalpa a ding ah pia in i taksap teu Lalpan a he mama ah, a gam leh dikna hawl masa leu hin i taksap teu Lalpa'n ei pia ding a hi ti hia in Lalpa a ding ah hun pemanlo khawp ah paulap siam talo ding in tu kumthak a pat hin kingaitua thak in a gam leh dikna hawl masa thei ding in Lalpan a thu ei malsawm piak ta hen.

“THAGAU THIANGTHO - DAMNA TUNTU”

(Nasepte 3: 1-10)

~ Rev. Ph. Thianneilal Vaiphei
i/c Delhi Presbyterian Kochuam

Bible chang kingaknau hi Pentecost ni tun zaw ah Thagau Thiangtho na=sep, Peter mang ah hung kilang dawk – taksa damna chang masa pen chanchin a hi. Zia damna lamdang tak tun dan hi ngai nuam a um ma ma hi. Zia Thagau Thiangtho nasep changtute hi mi pathum – Peter, Johan leh Levi (Robert L. Deffingbaugh chun kengbaipa min kha ‘Levi’ a pian til ah kipat kengbai kum 40 val set mi hita a tii) te a hiu. Levi hin Jesu chu vel tampi kimupi a gua zinga himaleh kengbai ahi ziakin dawigual in a chia vel thei pua ama ding ah chun min hepi taka a panpi lo chun thil haksa tak a hi. Zia phat a chun khutdaw na mun kitup tak tempul huang lutna “Kelkawt Hawi” a ti nau mun a chun ni cheng leh hepina ziaka thilpiak ngak in a chuh zing sek hi.

Jesu’n Jerusalem a hung phâk nunung pen, a nasep zosia a zaw nung ah “Kipak tak ah” Sabiltungno chung a chuang ah Jerusalem a lut ni khan le khawi tak hem khat a chun ‘Levi’ chu a um a, Jesu’n tempul ah mitthum leh kengbaite a sukdam chu a hia a va chia leh naupangte

‘David Chapa kianga chun Hosanna’ ti’n a hung kiko ua, himaleh a mun a hung tun ma chun Thiampu lalte’n zia naupangte kiko chu lungnatpi in Jesu kianga chun naupangte chu vauthip dingin a hil ui. Jesun naupangte kiko chu jada kiun a mau hi a thip chun suangchang haw bek kiko tho

tho di a hi. Naupangte kam ah pawt chun pâkna a bukimsak hi ti ah kiziak kha la sim kha puau ah a hem?" (Mat 21:14-17) a ti leh a kiho lungna tuau a, a kikhén chek ua, Jesu chun le Bethany lam a zuan tai. Zia nung a chun Levi chu tempul ava tung a, sukdam ah um man lo chu ala hitai.

1. Thagau Thiangtho nasep a hung tun dan:

Pentecost ni kipat a khan ni bangzat ni zia thilmak lopi tak 'Kengbai pa sukdamna' chu Peter leh Johan chun a bawl uh a hem ti hiatchian a hi puai. Luke chun "Pauchap hun ah" Peter leh Johan chu tempul ah a va chiau ti'n a gen hi. A nikhua chu kihia lo maleh Pauchap hun kiti hi Judaten nikhat ah ni vei a nei ua – Zingkal (Shacharit/shaharit) leh nitak lam (Mincha/Minha) a hia; Additional prayer kiti zan (Arvit) khawthim pauchap te hi ahi. Luka'n a gen dan a chun hundan 9na (2-3 pm) a tia; zia chu Vaiphei bible

sua nunung pen hin nitak dak 3 a ti. Zia taka a gen dan leh Nasepte 8:14ff ah chun Peter leh Johan teni chu na semkhawm sek a hui ti l mu' hi. Johan hi Zebedai a chapa a hia, a unaupa Jacob leh a kinaipiu Peter te tawh Jesu nungzuite laka Jesu tawh kithuguk hiattua zing (Inner circle) a hui a, a mau pathum hi 'Mel danglamna tang' leh 'Gethsemani Huan' ah khan a pui chuam deu se se sek hi. Johan hi um zing maleh Peter kha a thuneitu pen a hi. Ziakiachun, hun chiasa ah kipat Levi chun Jesu kisukdam sak di tia a lagel sek himaleh kengbai a hi ziaka lawting thei talo ala hi kha Peter khan a hiat le himaithei in a. Puaknatna nei takin Peter leh Johan chun kengbaipa Levi chu a en ua, Levi chun le kinepna nei takin amau chu a en a, zutia a ki ettua zing lai tak ua chun Thagau Thiangtho Nasep lopi tak chu hung tung in Peter in a neisun "Nazareth Jesu Khrista min

HINNA VÂK

in ding dawk inla lam zawt tan” a tia, Levi chu a khut changlam in a kaitho a, chun a keng khale a dam ngal tai.

Thagau Thiangtho hung tun dan chu *“Hepina nei taka midang et leh Bang hem khat mu ding ah ginna leh kinepna hing neina”* zia ah hung tung chu a hi. Tulai kochuam ah ‘Halna hung tun hen, Thagau Thiangtho ei hung kan thau in’ I ti ti sek ua; himaleh, kochuam mite hepina nei takin iki entua nau em? Pathian ah kipat bang hem khat thilpiak chang ngei di kahi ti’n ginna leh kinepna hing nei pum in I pauchap sek nau em? chuti lo chun Thagau Thiangtho nasep chu hung tung thei puan a. Hung tung lele sunuak kawm hitin’u halna chun le ei nusia pai pai ding ahi.

2. Thagau Thiangtho Nasep a tun hun:

A kum dik tak chu kijiachian lo maleh a hun chu nitak

lam dak 3-vel ti in I bible ua hin a kigen hi. Judate hin nikhat ah pauchap hun guat bik hi ni vei a nei ua; jingkal matak tawh nitak dak 3 vel ah a hi. Zia hun tak chuleh Thiampu chun belam chu maicham ah lan dingin a that sek a, a gan tha chu dawkan ah nusia in pauchap dingin pundan ah a va lut masa phawt sek hi. Zia hun chet a chun Peter leh Johan chule Tempul ah pauchap ding in a va chiau a, zia lai tak a chun ‘a pian til a pat kengbai, khutdaw ding ah Biak In huang kelkawt khak bul ah a kawi u chu a va mu’ hi. Pian til apat kengbai ti hi Grik pau bul lam a chun ‘a nu sul ah kipat kengbaisa’ tina a hi. Ziagual ah kengbai damdaw ding kinepna nei talo, a nu leh pa’n le a dam sung ah kengbai ta ding ah a ngaitua tak zia ah un enkawl pei ta loin khut a daw sak ta mai uh a hi. Peter leh Johan teni tempul ah a va chia hun ua khan midang le hung ngei ding ahiu. Zia a hungte

kiang ah khutdaw dinga chun a inkuan ten “Kelkawt Hawi” a tinaw mun chu mi hung kilawmna lam pen a hi ziakin, a lawkna pen di mun ti’n a va pua tung ua, a chut sak sek uh a hi.

Unaute haw, Thagau Thiangtho nasep a tun hun hi ‘Pauchap hun ei ve’ maw? Pauchap pei le I um lo phat tak leh bang tin Thagau ah halna I nei thei diam uh? Pathian tawh kiholimna um loin a thilhitheina (power) Thagau Thiangtho chu bangtin piak hidi I hui em? Pauchap hun la nei thei sek em? I bial leh I gam sung ua I kochuam mipite hin nikhat ah inkuan maicham inei tawm talua tau a, Thagau ah dang-gawp zo ihi ta veu! KNP Kikhawmpilian 10-veina chun inkuan maicham siam thei I tawm thu report a mu ah kipat in a puakna ma ma a, tu kipat kipan hitin uh bial pumpi huap in *‘Anchangham leh insung maicham suk hatna ding in seminar nei ngal*

hitiu’ ti’n thupukna a siam hial uh a hi kha.

3. Peter mangcha’n Jesu Khrista min ah sukdam a hina mun:

A mun hi Luka’n Biak In zawtna ‘Kelkawt Hawi’ a ti nau mun ahi ti’n a gen hi. Biak In ti hin tempul umna tang zosia a huap a, Biak In zawtna ‘Kelkawt Hawi’ kiti hin le Tempul tak tak hi loin Tempul tang ah lut tona kawtkhak pakhat tina a hi. Luka’n ‘Kelkawt Hawi’ a ti pen umna hi hiatchian a hi puai. Jerusalem chanchin kimchang tak ah ziaktu Josephus khan le a lekhabu ah a la gen lang puai. Judate lekhabu pawimaw Mishna leh Talmud a chun le a lang him him puai.

Mi khenkhat chun Shushan Gate a hem, Nicanor Gate a hem hin’a ti’n a gingchau. Zia chu khawsak lam (western) ah kipat Tempul lut tona a hi. Niconar Gate chu Tempul jawm chet ah um a hi. Zia lam gam ah

HINNA VÂK

kipat tempul hung zuante chu mi tam ma ma sek a hiu. Zia mun a chun kengbai pa chun sum tampi lawkna muding in kinem takin a kichu'i. A kineppi phak lo, a dawt lo malsawmna – damna chu a chang hi. A chan theina chu Thagau Thiangtho mi zosia ding ah sunthak ah um nasep ziak a hi. Zia chu Peter thil neisun chu a hi. Unau, nang bang hem la nei leh la suan? Midang kipakna ding leh lungdam lote lungdamna di leh lungngaite thamuanna dingin sana dangka a ngai pen pua, Jesu Khrista nei leh a man ei nutsia piak uh Thagau Thiangtho nei hi a tawk hi. Thagau Thiangtho chu la nei in ama chun a kaihuai sek nam? Kuale Thagau Thiangtho kaihuai ah umlote chu Pathian chate a hipuau. Sana dangka neilo maleh Peter chun Hepina nei taka Pathian kiang ah kengbaipa a ding ah damna a dawt piak kha a hun tawk hi. Pathian chu thil bangkim

nei, bangkim hithei a hingal a. Nazareth Jesu kiti hi a hawi in a pha na lawm lawm e! Thuthung Thak a hin 17-vei a kimu'i. 'Nazareth Jesu ei lungsiat in' tia a la dawnte chu damlona nei – piangsual, mitchaw leh kengbai, phak leh thiput te a hiu a, a la sudam sek hi. Nazareth Jesu nei chun khawvel miten a piak theilo kipakna bukim piatu a hi sek hi.

4. Mite mak sak a law hi:

Kengbai pa chun a dam a kihiat hiat a chun a kichawm dawk a, keng ah lam jawt in kichawp tawh thuan Pathian a pak a, Biak In ah chun a va lut ah; chun mite'n mak a sa ma mau hi. Kengbai ah kum 40 hial a la umta kha – tu'h Pathian pak ah keng ah chia vel vel, kichawp thaw lum let ah um ta chu a mu' a, mak a sa ma ma ta mai ui. Kelkawt Hawi ah kichu sek pa chu a hi ti a he ngal ua, a umdan chula taksan um thei gual

in a gel puau hi. Kengbai pa a dam tak ziaka chun mipi chu a buai zo vek tau hi. Nidang ah a inkuan ten a puak chawn vel vel sek pau kha tu'n Pathian Biak In ah a keng ngei ah lam jawt ah Biak In a hung kai tak bep hiloin a kichawp vel vel thei tak kha mipin a en sup sup un mak leh lamdang a sa ma mau hi. Himaleh, Jesu chu 'Taksa leh Thagau Damna' tuntun a hi.

Thutawpna: *Jesu ama ngei in a la bawl sek haw kha a kochuamte mang cha'n tuni tiang a hin le a bawl zawm zel nalai hi.* Kengbai pa sukdam a hi hin Jesu chu Messiah dik tak a hi zia leh tuni tianga hin a la hing zing in a sawlchakte leh kochuamte mang in na a sem zing zel na lai hi ti a etsak hi. Chuleh, a nu sul ah kipat ah kengjeng ah piang kum 40 a hi nung ah sukdam kiti hin Pathian Thunei Chungnung chun a kochuam mangchan Thagau Thiangtho

in na a sem nuam in, a sem zing hi ti a etsak hi. Mihingte hin tuaksiatna, vangsiatna, tuisang let, huipi leh guapi'n a suksiat, linling leh mimal vangsiatna a tuak phat tak leh Pathian thu hiat nawpna lungthim a hung kihawng sek a, zia hun lemchang hi thasuak lo ah Pathian thu hi khat leh khat kiziltit tua ding in Lalpa'n ei dawui. Pathian chu pawlam ah kipat I sunggil lam ua ginna leh lungmuanna siamtu chau a hi pua; sunggil lam ah kipat pawlam mite a ding ah malsawmna siamtu leh ginna neisaktu le a hi. "Aw van Thagau hung leng in, ka lungsung a hin cheng in, nangma lo chu khawvel a hin, muanna dang a um puai, Lalpa hung leng in ka lungthim a. Hatlo leh lungngai ni hin le ka ngai diak hi Lalpa dawui tak; thachawl a'n chawlna nuam la hi, ei pui in la lam galmuang a, la thazak thiango chawnban zal nuai a."- KLB 228



Sunna

UPA PAUZAKHUAL @ B. KHUALA (1962-2024)



Upa Pauzakhual (62) hi 1962 kum in Pu (L) Jamkhawlet leh Pi (L) Thiankhawniang te gil-ah-ga malzawlina a dawn uh 12 te lak ah a pakua (9) na'n, Sanglél khua Henglep Sub-division in a la piang in, June 2, 1980 kum in Nu Chinhoichong, Pu Songkholal, Mualdak chanu tawh Rev. (L) Lamzakhai in pindan in a la kichensak hi.

February 9, 1997 kum in Mualdak Kochuam Upa hi ding in Rev. T. Zuanlal in Hill-Town Kochuam Biak In ah ordination a bawl hi.

Pathian malsawmna a chate: cha numei paguk (6) leh pawsal pakhat (1) a nei hi.

Nasepna lam:

Bible Hill Kochuam ah Chairman/ Secretary/ Treasurer/ Sunday School Superintendent/ KNP leh KKP Representative/ Sunday School Ziltitu/ Bial Chairman/ Presbytery Sub-Pastoral Committee Member-te'n a la sem hi.

A hun nunung lam leh vuiliamna:

Kum 2020 kum vel apat in zunthum (Diabetes) vei in Doctor te kikaitua sak in theitawp sua maleu hung chau deu deu in Date 13/10/2024 Pathianni'n Presbytery Kikhawmpi laitak in a kumtuang mun ding eila zawtsan tai.

January 2025

A zing Seppatni 14/10/2024 ni'n Rev. Lalremliana Colney in In lam ah thâkna hun mang in Biak In ah Rev. Thianginlim, Moderator Lamka South Presbytery in vuina hun mang in D. Phailian Pastor Bial Lapawl te'n le a thâkna La lem in, Pastor-te, Upate leh Kochuam te'n ît tak chung in ka thaliam tau.

*Report Petu,
Upa Ph. John
Secretary
Bible Hill Kochuam*

EVAN. SIAKLIAN (1953-2024)



Kum 1953 September 10 in Henglep Sub-division, Phaiba khua'n a la piang hi. Ama hi (L) Pu Suanhau leh (L) Pi Phatinnem te gil ah ga chapa Upa pen ahin, pianpi Pawsal 4 leh Numei 3 a nei hi. October 21, 1982 kum in Pu Jamkhohau leh (L) Pi Chongnu te gil ah ga chanu Upa pen Kimneichin tawh Pastor Mangkholam khut in Kochuam dan thiangtho in Phainuam MCO Kochuam BiakIn ah a la kikhutsui ua Pathian malsawmna gil ah ga Chapa 4 leh Chanu 2 a nei hi. A tute Pawsal 23 leh Numei 15 a nei hi. Minsak 6 a nei hi.

Kochuam ah a hinate

- 1) Phainuam Mission School zilsaktu ah a pan sung 1975-1985
- 2) Tuikumuallum Mission School Headmaster ah a pan sung 1986-1988
- 3) Phainuam Mission School Headmaster ah a pan sung 1989-1997
- 4) Evangelist na a sep hun sung 2006-2012
- 5) Leijangphai Pastor Bial Committee Secretary inle a la pang hi.

March 2024 a kipat in kikhu zia ah thisan kudaw sek ahi zia in Lamka lam ah kienkawl ding in a hung ah, Doctor ten Lung Cancer hi ding in a gingmaw un, Delhi lam ah a refer ua, 10/06/2024 ni'n Delhi ah etkawl ding in kuandaw pi ahia Delhi mun ah Doctor ten Lung Cancer ahi a hiatchian phat un, kilam

January 2025

etna a um taklo zia in 26/08/2024 ni'n Delhi kipat Lamka lam hun zawt pi a hi tai. Lamka Doctor te kawm in thei dan dan ah etkawl a hi zinglai in, November 19, 2024; 6:00 PM in khawvel ah a ngai cheng nusia in a na a sep piak a Pathian kiang ah chawldam ding in ei la mualliam san tai.

*Report Petu,
Upa Mangkhokhai
Secretary
Gangpimual Kochuam*